

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 30.10.2017թ. թիվ 1707014791 որոշումն անփոփոխ, իսկ վարչական բողոքն առանց բավարարման թողնելու մասին

<< 17 >> 11 2017թ. 17-4-17032-17/12-4-615

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Տիրուհի Մուրադյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Վարդանանց փողոցի 5Ա շենքի 332 բնակարանի բնակիչ Տիրուհի Մուրադյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 30.10.2017թ. թիվ 1707014791 որոշումը՝ նշելով, որ ճանապարհը փակ է եղել Ճանապարհային ոստիկանության ծառայողների կողմից և ինքը այլ ելք չունենալով ստրպված է եղել կատարել իրավախախտում:

Դիմումի քննարկման արդյունքում պարզվել է, որ վարչական տույժ նշանակելու մասին որոշումն օրինական է և հիմնավոր, քանի որ Վարչական իրավախախտումների վերաբերյալ ՀՀ օրենսգրքի 124-րդ հոդվածի 37-րդ մասի համաձայն՝ տրանսպորտային միջոցների երթևեկության հակադիր հոսքերն իրարից բաժանող գծանշումների պահանջները չկատարելու համար սույն հոդվածի 2-րդ մասով նախատեսված վարչական իրավախախտումն ունի նվազ նշանակություն այն դեպքում, երբ տրանսպորտային միջոցի անիվներից ոչ մեկն ամբողջությամբ չի հատել գծանշումը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել, ինչպես նաև այն դեպքում, երբ իրավախախտումն անխուսափելիորեն կատարվել է երթևեկության այլ մասնակցի գործողության կամ անգործության պատճառով:

Ճանապարհային ոստիկանության վարչական տույժ նշանակելու մասին 30.10.2017թ. թիվ 1707014791 որոշման մաս կազմող իրավախախտումն ամրագրած տեսանյութում հստակ ապացուցում է դիմումատուի կողմից 14.10.2017թ. ժամը 14:56-ին Երևան քաղաքի Տիգրան Մեծ - Միեր Մկրտչյան - Մելիք Ադամյան - Հանրապետության փողոցների խաչմերուկի հատվածում 1.3 հանդիպակաց հոսքերն իրարից բաժանող գծանշման պահանջը չկատարելու փաստը, բացի այդ տեսանյութում Ճանապարհային ոստիկանության ծառայողների կողմից փողոցը փակ լինելու առկայությունը փաստող որևէ դրվագ չկա, հետևաբար վերջինիս վարչական պատասխանատվության ենթարկելու մասին որոշումը հիմնավոր է և իրավաչափ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 30.10.2017թ. թիվ 1707014791 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Տիրուհի Մուրադյանին և ՃՈ ՏՄՀԽԱ կենտրոն:



Ե.Կարապետյան